

Անժխարեւի փաստ է ժամանակի ազդեցությունն արվեստագետի ստեղծագործական կյանքում: Արվեստն է նրանց մեջ, թե՛ նրանք արվեստի: Ի՛նչ են մտածում, ի՛նչ են խորհում, ինչպիսի՛ երիտասարդությամբ են պատկերացնում մեր երկրի ապագան: Այս և այլ հարցերի շուրջ իր պատասխաններն ունի նկարիչ, Երևանի պետական գեղարվեստի ակադեմիայի ռեկտոր **ԱՐԱՄ ԻՍԱԲԵԿՅԱՆԸ:**

«ԵՐԻՏԱՍԱՐԳՈՒԹՅՈՒՆԸ ԼՍՎԸ ԵՂԱՎ՝ ԿՅԱՂԹԱՅԱՐԵՆԵՔ ԴԺՎԱՐՈՒԹՅՈՒՆՆԵՐԸ»

«Պարոն Իսաբեկյան, ժամանակի ազդեցությունը զգո՞ւմ եք Ձեր աշխատանքների վրա:

-Ներկայումս ժամանակի բացակայության և մի քանի այլ համագամանքներից ելնելով՝ քիչ են նկատվում: Սակայն եթե առաջ ստեղծագործելիս ավելի շատ մտածում էի տեխնիկայի մասին, ապա վերջին տարիներին ավելի կարևորում են միտքը, գաղափարը: Իմ աշխատանքներում ես՝ ես եմ, իմ ոճն ունեմ: Իմ կարծիքով, ամենաիտաքրքիր աշխատանքները ստեղծել են 1990-98 թվականներին:

Ասում են, երբ արվեստագետն անցնում է վարչական աշխատանքի, նա սկսում է ճգնաժամ ապրել:

-Ճգնաժամի հետ համամիտ չեմ, պարզապես ժամանակը չի հերիքում: Գիտեք, եթե դու լուրջ մարդ ես, գիտակցում ես այն պարտականությունը, որ ստանձնել ես, բնականաբար, քիչ ես ստեղծագործում: Հարյուր տոկոսով կարող եմ ասել, որ եթե այս տարիների ղեկավար աշխատանքը չլիներ, ես քանակապես ավելի շատ գործեր կստեղծեի: Իսկ քանակը պրոֆեսիոնալ արվեստագետի մոտ միշտ որակ է բերում: Ինչ-որ տեղ տուժել է իմ արվեստը: Սակայն այն գործը, որ ես արել և անում եմ որպես ղեկավար, նպատակաուղղված է արվեստի կրթչափի զարգացմանը, մոր արվեստագետներ կրթելուն: Սա իմն ծիփաբարում է և լրացնում այն բացը, որը կա:

Արվեստագետն իր եռօրյա ընթացք է: Գեղարվեստի ակադեմիայի ռեկտոր և արվեստագետ. հավաստություններ լինո՞ւմ են:

-Այնքան էլ ոչ: Ես ընթացք եմ և՛ որպես արվեստագետ, և՛ որպես ղեկավար: Նրանք, ովքեր ինձ հետ աշխատում են երկար տարիներ, կարող են փաստել, որ ես երբեք չեմ բավարարվում եղա-

ծով: Միշտ պայքարի մեջ եմ՝ առկա խնդիրները լուծելու, բացթողումները լրացնելու, մոր միջոցներ ստեղծելու, մորը կառուցելու համար: Այս 13 տարիների ընթացքում ակադեմիայում շատ բան է փոխվել, և դա առանց ըմբոստամալու հնարավոր չէր:

-Տպավորություն է ստեղծվել, որ մշակութային կյանքը Հայաստանում վերելք է ապրում: Ըստ Ձեզ, իրողություն է, թե՞ միայն տպավորություն:

-Որոշ չափով իրողություն է: Միջոցառումներ են իրականացվում, մշակութային շաբաթներ են անցկացվում, գործում են թատրոններ, տարբեր մշակութային խմբեր, միություններ: Այս օրերին Հայաստանում դասական երաժշտության օրեր են անցնում: Հիանալի կատարողներ են ժամանել աշխարհի տարբեր երկրներից: Հասարակության մեջ ճաշակի անկում է տեղի ունեցել: Մեզ մոտ դասական կամ բարձրարվեստ մշակույթը ներկայացնելու ժամանակ դաժիլոնները գրեթե կիսատարակ են: Գիտեք, արվեստն ընդհանրապես հենց այնպես չի կարող զարգանալ: Արվեստը սիրում է պատվիրատուներ: Եթե ուսումնասիրեք արվեստի պատմությունը, կտեսնեք, որ շատ մեծ գործեր պատվիրողների շնորհիվ են ստեղծվել: Այն երկրներում, որտեղ արվեստը վերելք է ապրել, դրա հետ համընթաց եղել է նաև բարձրաճաշակ հասարակություն, հատկապես վերնախավի ներկայացուցիչները և ղեկավարները: Ընդ որում, կապ չունի, համակարգը բռնապետական է, թե ժողովրդավարական: Բռնապետն էլ կարող է բարձր ճաշակ ունենալ: Մեզանում ժամանակ է պետք, մարդիկ պետք է հասկանան, որ արվեստագետին իր աշխատանքի համար պետք է վճարել, ոչ թե միայն մվեր խնդրել:

«Պարոն Իսաբեկյան, ակնկալո՞ւմ եք որակա-



կան սերնդափոխություն:

-Գեղարվեստի ակադեմիան երբեք այսքան լավ վիճակում չի եղել իր ստեղծման օրից սկսած: Վատ շենքային պայմաններ, միջոցների բացակայություն. սրանք այլևս անցյալում են: Ջարմանալի է, բայց ակադեմիան վերելք ապրեց անկախության տարիներին: Այսօր ստեղծված են բոլոր պայմանները, որպեսզի ուսանողը կարողանա ստեղծագործել, զարգանալ: Ամեն տարի ես զարմանքով և միաժամանակ հիացմունքով եմ նայում, թե ինչքան տաղանդավոր շրջանավարտներ ենք ունենում: Բայց... Այդ բայցն է, որի մասին ես քիչ առաջ ասացի: Երբ հասարակության պահանջը չկա, այդ շրջանավարտներից շատերն «աչքերը տնկում են» արտերկիր: Ցանկացած լավ արվեստագետ պետք է լավ վաստակի և լավ ապրի: Դրա հետ մեկտեղ կթողնի արժեքավոր գործեր, որոնք ժողովրդի կողմից կգնահատվեն ըստ արժանիության, նման ազգերն արժանի են հա-

րատնելու: Ցավոք, այսօր այդպես չէ:

-Աշխատանքի բերումով Դուք Ձեր ժամանակի մեծ բաժինը հատկացնում եք երիտասարդությանը կրթելուն, նրանց հետ հաղորդակցվելուն: Ինչ կասեք այսօրվա երիտասարդության մասին:

-Ես դրական եմ նայում երիտասարդությանը: Շատերը, միգուցե և զարմանան: Ես հավատում եմ, որ այսօրվա երիտասարդությունը կկարողանա դառնալ մեր երկրի անկախության և պետականության ամրապնդման երաշխիք: Ուզում եմ հավատալ, որ նրանց ակտիվ ու գիտակից շերտը կառաջնորդի սերունդը: Երիտասարդությունը լավը եղավ, մենք կհաղթահարենք բոլոր դժվարությունները: Իհարկե, ավագ սերունդն այստեղ անելիք շատ ունի՝ որպես դաստիարակող և կրթող:

-Արվեստն է Ձեր մեջ, թե՞ Դուք արվեստում:

-Բնականաբար, արվեստն է իմ մեջ: Ես արվեստի մթնոլորտում եմ մեծացել, և առանց դրա իմ կյանքը չեմ պատկերացնում: Անգամ իմ հանգստի ժամանակ ես այցելում եմ թանգարաններ, ցուցասրահներ, հաղորդակցվում այլ արվեստագետների հետ:

Ընդհանրապես, արվեստի հետ ես շատ հույսեր եմ կապում: Մենք հպարտանում ենք մեր տաղանդավոր արվեստագետների ստեղծածով, սակայն կցանկանայի, որ մոր աշխատանքներ էլ ստեղծվեն: Ի հայտ գան մոր անուններ, ովքեր իրենց գործերում հետք կթողնեն համաշխարհային մշակույթի մեջ՝ պահպանելով մեր ազգային ինքնատիպությունը:

-Իսաբեկյան ազգանունը Ձեզ օգնե՞լ, թե՞ խանգարել է:

-Միանշանակ ինձ օգնել է: Ես ծնվել եմ արվեստագետների ընտանիքում: Իմ մայրը մույնպես տաղանդավոր նկարչուհի է եղել: Ինչ խոսք, իմ հոր գավակ լինելը պարտավորեցնող է: Ես իմ ողջ կյանքում աշխատում եմ ապրել և արարել այնպես, որ այդ անվան վրա երբեք բիծ չլինի: Այդպես էլ դաստիարակել եմ իմ գավակներիին:

Չրուցեք ԱՆՆԱ ԳՐԻԳՈՐՅԱՆԸ